

# Yakin kemampuan diri

Oleh Syanty Octavia Amry  
soctavia@hmetro.com.my

**S**edar saingan dalam industri seni semakin sengit, bekas peserta Raja Lawak musim ketujuh, Mozaid Idris atau Momo, 33, nekad mengembangkan bakatnya dalam pelbagai cabang seni.

Apatah lagi dia yang pernah bersama kumpulan duo, Okay kini bergerak sendiri selepas Yem menarik diri berikutan terikat dengan komitmen lain.

Demi memastikan kelangsungan kariernya, apa saja peluang yang hadir depan mata perlu dimanfaatkan sebaik mungkin.

"Ketidaaan Yem tidak melemahkan semangat saya. Ini minat saya sejak kecil dan kena teruskan."

"Alhamdulillah sejak diberi peluang menjadi penyampai radio Putra FM, Universiti Putra Malaysia, Serdang saya semakin yakin dengan kemampuan diri."

"Walaupun masih be-

Momo teruskan perjuangan dengan manfaatkan peluang depan mata

kerja sebagai penjawat awam, saya bertuah kerana majikan dan rakan sekerja menyokong penuh minat saya ini," katanya.

Terbaru, Momo yang pernah merakamkan empat lagu tampil dengan single berjudul Jangan Pernah Pergi berkonsepkan pop komersial.

"Saya tidak boleh berpeluk tubuh. Setiap peluang yang datang saya akan cuba sebaik-baiknya."

"Saya muahu menjadi penghibur serba boleh. Saya pernah berlakon, mengacara, menjadi penyampai radio dan kini menyanyi."

"Diharap dengan adanya single Jangan Pernah pergi, nama saya akan lebih dikenali selepas ini. Moga peminat terhibur dan dapat menerima kehadiran saya," katanya.

